

四庫全書

集部

欽定四庫全書

集部

十五家詞卷

二十一至二十三

詳校寓閣學士<sub>臣</sub>尹壯圖

侍讀<sub>臣</sub>孫球覆勘

總校官降調編修<sub>臣</sub>倉聖脉

校對官編修<sub>臣</sub>沈清藻

謄錄監生<sub>臣</sub>傅商霖

欽定四庫全書

十五家詞卷二十

休寧孫默編

陸求可月湄詞三

百字令

第九體

懷古

飄風馳電看過了千古英雄成敗漢殿唐宮徒長就無  
數烟荆露薤金椀人間玉魚葬地轉眼堪驚怪凭高舒  
望教人愁思難耐今日遙想風流是誰能不朽英英

猶在揚馬鄒枚筆如椽留得光芒萬代世界虛空須知  
消不得酒城詩若龍泉知我物華應射天外

臨江仙

第五體

錢塘懷古

聞道浙江潮有怪如何也避錢鏐三千強弩射潮頭金  
堤隨意築羞殺古陽侯 江海安瀾高枕卧已經多少  
春秋牙檣錦纜去悠悠千年功與德誰向棹歌謳

洞仙歌

第一體

杭州懷古

重湖疊嶂聽笙歌  
繚繞處處春來閒  
花草竟留他北宋  
南渡天王賞湖山  
忘却舊時豐鎬  
杭州新度曲桂子  
荷香君臣不顧朝廷小  
且相從堤畔釣叟蓮娃行樂事  
全無昏曉任牽動長江萬古愁  
險將那西湖等閒送了

水調歌頭

姑蘇懷古

一片姑蘇月  
還似昔時圓  
不知吳王乘月幾度醉臺前

我想當初行樂惟恐瓊樓玉館不得暢流連醉醒弄絃  
管常願夜如年採香徑銷夏渚快無邊歌闌舞罷一  
聲鏐响碧雲天肯信春花秋露轉眼朝荆暮棘犀甲散  
江烟回首看西子笑上五湖船

錦纏道

金陵懷古

如練澄江洗盡六朝金粉隔江人歌聲隱隱古今舊事  
如流瞬衰草寒花空鎖千年恨嘆虎踞龍蟠何其安

穩儘塵世興亡生悶更無端細雨斜陽多少南朝寺難  
向荆榛問

千秋歲引

維揚懷古

一朵瓊花兩行綠柳引得君王向南走風流愛看殿腳  
女山河不值盃中酒汴渠開隋堤築雲帆驟 明月一  
橋簫未久羅綺滿樓歌方奏玉鱗金螯不空口平陳可  
憐三十載頭顱又落他人手好收成雷塘上田千畝

謁金門

平山堂

春欲去花滿平山堂路一飲千鍾休得誤花月成孤負  
山色蒼蒼如故手種垂楊何處太守風流空作賦連  
天芳草暮

漁家傲

鼓山

乍鎮閩山尊莫上九仙烏石都相讓削就奇峰鼉鼓樣



聲不放蜀桐刻作魚兒相  
兩袖天風看海漲烟嵐蒼  
翠奇難狀浴罷鳳凰池水壯  
高處望旗山西畔遙相向  
上西平

武夷山

昇真天溪九曲嶺千重青巉巉  
雲外芙蓉誰携蠟屐踏  
遍三十六高峰只恐那幔亭寶座盡苔封  
釣天奏乾  
魚祀今寂寂昔隆隆問錢鏐二子朦朧雲裊霞褥迢迢  
清夜宴秋風曾孫醉後但無情雲雨西東

小重山

鉢池山

野草荒藤路幾彎  
烟霞無遠近  
愛人間為聽幽谷鳥綿  
蠻登臨易不道在春山  
真訣駐衰顏  
王喬歸去後  
水雲寒  
千年鶴背可曾還  
燒丹井留得到人間

念奴嬌

焦山

江風浩渺把遊客送到焦山高處  
指點南徐秋色裏但

見叢叢烟樹野鶴閒鷗孤雲淡月昏曉山中趣看浮玉  
塔層層光連北固遐想昔日焦先超然物外抱膝歌  
梁甫高節清風千載度誰解棲幽守素試聽山僧金鐘  
打罷深悔紅塵誤山資須辦向雲中採芝露

驀山溪

第二體

金山

蒼蒼千仞看大江東注晝夜走蛟龍喜金山不隨波去  
潮生潮落不識幾何年京口驛瓜洲渡南北虛舟路

風流蘇子暇日尋僧語解帶鎮山門談笑間禪床何處  
妙高臺上聽水調歌頭月橫江風滿樹搔首青天暮

清平樂

雞鳴山

覆舟山右鬱鬱峰巒秀山號雞鳴猶似舊那得雞鳴時  
候當年開館山頭文章照耀千秋試問次宗何在閒  
雲一片悠悠

八聲甘州

雨花臺

長干南去複嶺平岡似霞蔚雲蒸正繁花撩亂雛鶯睨  
睨天氣新晴處處旗亭歌扇游屐盡堪停醉倒荒坡下  
微月高升記得南朝遺事有雲公說法梵語風清看  
天邊片片花落石牀平今日山空烟暝問禪心但草色  
鴉聲舉頭望天花不見醉眼花生

水龍吟

第一體

燕子磯

澄江點點殘霞儼然昔日真人氣偶來登眺海天空濶  
下臨無地江北江南青山對面晚雲如髻向天公搔首  
驚人好句索此處高吟耳多少梁陳舊蹟都付斜陽  
影裏茫茫今古有誰認得臨春結綺乘興而來不須留  
戀早歸休矣怕今朝石燕興亡感嘆凌風飛起

蘇幕遮

第二體

花山

法王家龍象屋穿得袈裟便有青山福香案石床依斷

谷岩鹿山雞都與山僧熟  
霧同棲雲共宿片片天花  
合滿花山麓千丈芙蓉風謾  
夜坐招提細檢傳燈錄

訴衷情

第三體

牛首山

風光處處喚游人牛首十分春花開  
早鳥啼新蠟屐破  
層雲磴道石嶙峋  
莫逡巡身登天闕  
近青旻看斜曛  
蝶戀花

棲霞山

疊嶂層巒青未了千佛岩前綠水猶環繞朝鼓暮鐘聲  
縹緲孤雲隔斷風塵道躡屐頻登高處好回首金陵  
一覽諸峰小蘭若棲霞僧未老攝生草長無昏曉

風入松

第一體

虎邱

虎邱山色鬱崔嵬烟暖花開香車寶馬山塘路春光暗  
裏相催閒客漫携龍笛麗人爭戴金釵劍池鶴磻講  
經臺塔影雲隈今春遠結看花侶笑迎風滿舉雲鬢月



下莫言歸去過雲歌調初來

探春令

鄧尉山

隔江春信問梅花在江南山裏被東風吹到梅花國狂  
蜂蝶先來矣看花共索春醪味望青帘搖曳願傾城  
世外佳人一笑羌笛須迴避

東風齊着力

甓社湖

波撼盂城氣蒸淮楚千頃汪汪虛無空濶彷彿似瀟湘  
陣陣鳬鷺散亂任漁艇短曲無腔微茫裏晝眠估客風  
送牙檣 歲歲嘆滄桑波臣怒如今不受隄防秋風颭  
子何處稻粳香斗大孤城國士可曾見湖內珠光金堤  
上鳩形鵠面泪落蒼茫

柳梢青

揚子江

如練澄江百端交集對此茫茫雨後鍾陵烟中北固青

入蓬窓 金焦頂上斜陽浪淘盡英雄伯王願汲南零  
旋烹顧渚細話興亡

醉桃源

西湖

湖頭春水照花明黃鸝愛曉晴蘓堤斷續賣花聲垂楊  
新雨青 坐玉館弄瑤箏當壚盡可憎畫船一葉惹游  
情紅裙曳手行

拂霓裳

湖上月

月團圞瓊樓玉宇淨無烟金波耿蒼茫雲水遠相連湖  
山增皎潔花柳鬪嬋娟漾清連一聲聲搖過採蓮船  
謫仙已往空冷落錦袍鮮誰乘興騎鯨捉月上青天清  
暉涵碧下香霧岳坟前列芳筵願年年夜夜總長圓

魚游春水

湖上水

連朝春雨足添得十分湖水綠東風無力輕動波紋如

穀未許桃花幾片流止容柳葉千條拂野鷺孤游山鷗  
雙浴鎮日游人徵逐載不盡清絲脆竹馮異偏愛風  
流濺珠噴玉燕姬倒影紅裙現越女看粧青黛感花柳  
千年芰荷一曲

看花回

湖上花

十里西湖二月天紅紫暄妍蘇公堤上沽春酒向桃谿  
李徑留連花神如解意盡吐樽前醉折紅英挿帽簷

春色嫣然金鈴著意深深護忍聽林表啼鶻止容輕粉  
蝶雙宿雙穿

帶人嬌

湖上柳

輕暖輕寒釀就湖頭柳色搖蕩千條青欲滴朱樓掩映  
好繫黃金勒鎮日裏多少燕穿鶯擲張緒當年風流  
堪識小蠻腰細東風急三眠乍起共波光爭碧晴陌上  
不送陽關行客

解珮令

湖上女

燕啼鶯語烟花滿路遍香閨引起春情思結束宮粧肯  
孤負踏青天氣散金蓮柳邊沙際飛來峰下湖心亭  
畔軟春風輕飄羅綺拜佛聽經好遊遍湖頭諸寺笑窺  
人喜孜孜地

蕙蘭芳引

湖上草

春色乍來小兒坡綠蕪烟暖空點綴多情凝望恨王孫  
遠萋萋一路襯幾片落花紅艷看小青墓上極目連天  
腸斷駿馬嘶時香車行處倍覺輕軟更零露初溥想  
殺清揚婉孌瑤琨迢遞甜溪水淺隨六橋日落白羊歸  
晚

過澗歇

湖上雨

花草暖放春風路石燕凌空一霎飛雲過雨尋芳樹柳



下綸巾濕透折角歸前渡看遠近翠壁蒼山委深霧  
此際真如畫但蜻蜓燕子頻來去蘭舟艤別浦雲幔低  
垂葦葉蕭蕭芭蕉淅淅是我醉酒催詩處

瑞鷓鴣 第二體

湖上雪

亂飄瑞葉下青旻朱橋湖上斷雕輪只有林家處士幽  
棲處萬樹梅花別樣春閒尋詩思西溪道騎驢踏碎  
同雲歸來且上危樓驚見湖山老緊關門那有扁舟乘

興人

隔蓮浦

湖上舫

晴望六橋天暖載玉簫金管鷁彩凌波漾牙檣動青簾  
捲四座香風滿湖心柳麴院荷掩映神仙遠清樽啟  
處舞裙歌扇迷戀聲聲款乃驚起汀鷗散亂自在中流  
愁日短清淺樹陰花下停遍

黃鍾樂

湖上酒

叢叢花柳滿高陽閒踏歸來青帘引得性顛狂  
笑指嫩裘先償值肯教孤負酒鉶香  
玉腕高擎琥珀光彩袖  
殷勤樽前一曲奏清商願借西湖三斛水頻添蕉葉醉  
蕭娘

念奴嬌

登報國寺塔

帝城佳麗給孤園更有浮屠七級曠士高標星漢近飛

起王喬雙鳥少昊清秋義和紅日回首蒼梧碧隨陽去  
雁檻邊陣陣回翼遙想杜甫高岑慈恩寺裏象教冥  
搜跡今古登臨同此意暫向化城休息作賦凭高西山  
頭積翠影當窻入料他塵界綉軒文轂相擊

唐多令

嚴陵釣臺

山色四周遶溪光七里遙把漁竿其樂陶陶半世羊裘  
狂未了加帝腹傲天朝文叔網英豪冥鴻惜羽毛畫

雲臺軒冕焦勞濟濟功臣三十六爭得似子陵高

念奴嬌

烟雨樓

鴛鴦湖水任拍天波浪幾堆飛雪朱拱雕甍千載勝故  
老為予傳說岸芷青青汀蘭郁郁今古無分別無情烟  
雨近來因甚消滅不須把酒長嗟滿湖猶有一派閒  
風月漫數當年吳越事不覺酒酣心熱鷺羽穿雲漁歌  
裂石冷落如秋節莫吹玉笛馮夷水底愁絕

踏莎行

韓侯釣臺

落日高城淒風寒水當年垂釣應如此溪頭漂母具盤  
飧王孫不向窮途死雲夢城邊未央宮裏蒯通有計  
何由使可憐漢室已銷亡釣臺千古猶堪指

朝中措

露筋祠

紅顏筋露大名留一夕便千秋湖畔歸然祠廟行人南

北凝眸 今朝艤棹蚊雷不聚遺恨悠悠笑殺同行阿  
嫂隨人錦帳風流

江城梅花引

佳人

鈿蟬金燕內家粧畫鵝黃捲明璫楚楚娟娟顧影着羅  
裳眉似遠山腰似柳凌波步欲驚鴻洛浦旁 雲蹤雨  
跡在高唐玳瑁床鵲尾香朝也暮也無別事愛繡鴛鴦  
常向天邊圓月訴愁腸青瑣闥前韓壽老何日裏對溫

柔跨鳳凰

相思兒令

佳人口

一點櫻桃嬌艷  
樊素不尋常  
何用頻含雞舌  
彷彿蕙蘭芳  
座上吹罷笙簧  
徐徐換羽移商  
晚來月照紗幮  
並肩私語生香

婆羅門引

佳人足



隱花裙褶兩人擡起露雙鉤香塵蹤跡難留何用東昏  
貼地蓮瓣滿朱樓有殘紅軟襯一路風流 盧家莫愁  
正步步見嬌羞記取風前旋舞掌上綢繆魂銷月下提  
金縷刻襪東頭喜花徑玉露初收

慶清朝慢

佳人手

小釧香消柔荑春暖臨風捲起紅紗妝臺蚤開鸞鏡挽  
就靈蛇旋向金盆洗便水晶簾下抱琵琶把紈扇摻摻

一捻似玉無瑕  
鬪百草挽晚綉還好事一例煮酒煎  
茶莫更私書寫罷弄管吹笳時枕芙蓉嬌面玲瓏雪藕  
傍荷花藏闥戲雙拳擎出調笑秦嘉

東坡引

第二體

佳人指甲

驚釵斜墜下指尖噴蘭麝纖纖抓背真堪詫鐵鞭何用  
怕鐵鞭何用怕輕攏慢撚彈箏銷夜尋花欲染紅星  
乍鳳仙滿把殘妝卸金盆纔搗罷金盆纔搗罷

好事近

佳人眉

半額染雙蛾  
淡淡春山凝綠  
何用落梅輕點  
待張郎畫足  
垂珠烟溜  
拂雲梢一一驚郎目  
捲起蝦鬚獨坐向  
月休嚬蹙

御街行

第二體

佳人目

遠山下見秋波注  
却逗出春情緒  
雙雙點漆似神仙  
添

得嬌嬈無數江邊交甫墻頭宋玉僥倖逢回顧銷魂  
生就盈盈趣正寫照傳神處問他青白向誰分擲果人  
來頻覩相思對面淋漓紅泪背着輕彈去

點絳脣

佳人腮

朝沐蘭湯芙蓉出水霞光遶青銅皎皎對面齊開了  
角枕初離一線紅生巧香繚繞木瓜粉好妝得桃花小

青門引

佳人腰

緊束泥金帶彷彿小蠻瀟灑輕盈漫入楚王宮翻身貼  
地銜得玉簪戴春風楊柳多情態日日相思害不須  
更驗肥瘦着裙漸覺裙腰大

永遇樂

佳人髮

意外啼鶯頻催妝束綠雲繚繞輕把牙梳旋移鸞鏡委  
地容光耀蘭膏新沐微聞香澤對此溫柔堪老向妝臺

卷二十一  
挽成如蠶纔稱花容月貌 時興髻子鬆鬆墮馬好共  
靈蛇新巧莫嘆飛蓬休嗟曲局鴛帳同心好縱令妬婦  
也應憐惜怪得蕭郎顛倒珠簾下嬌羞欲出鳴蟬縹緲

惜餘春慢

佳人睡

笑倚東窗泥嬌成困半醉海棠初睡輕衫暫卸小簾平  
鋪更有縷金鴛被試問南柯郡中十二峰頭憑誰分隊  
想多情識得相思征路尋歡同寐 我欲趁星眼朦朧

羅幃深處摩弄挑腮玉臂只愁夢覺折齒投梭此際溫  
存無計怎奈沾衾汗流堆枕綠鬟撩人容易莫教他留  
戀高唐還倩啼鶯喚起

雨中花慢

第一體

美人圖

一幅鮫綃寫照如生不知名媛何人但嫣然欲笑窈窕  
傳神彷彿簾前顧影依稀花底迴身是傾城尤物螺黛  
凝羞環珮無塵趙顏軟障灰酒盈樽臨風頻喚真真

渾不比崔徽小巷魂斷朝雲兩點秋波注意半彎羅襪  
生春可能學得畫屏游女閒踏花茵

昭君怨

佳人學書

五色鸞箋半幅玉手銀鈎鐵畫寫字要成雙寫鴛鴦  
常自背人臨搨學得簪花筆法郎到袖兒遮露些些

訴衷情近

佳人學畫



畫長無事細細調朱弄粉非關傳臉塗唇却要追蹤陸  
顧一幅寒鴉古木衰柳殘荷景物纔知布天然趣愛  
畫文鸞朱鸞雙雙成隊畫到關情處蕭郎覷輕輕持向  
郎邊誇說筆端無誤更索留題句

祝英臺近

佳人彈琴

拂金徽開素匣白鵲窺簾竇解愠南風習習飄朱袖何  
須澗响松濤水清盈抱將陳曲楚明光奏閨中秀試

問流水高山正聲又依舊羅袂紅裙應有鍾期邁不勞  
司馬求凰文君今日蚤先把隱情輕逗

連理枝

佳人捧茶

煮就驚雷英郎在應先啜纔聽松風旋看蟹眼擎來不  
迭試喁喁小語問多情恐柔荑怕熱紅袖蘭香泄一  
笑春生曉石枕拋書方床閣扇開顏相接更纖纖十指  
玉生光共瓷甌無別

一叢花

佳人彈箏

呼鬟花下掃莓苔玉几更安排秦箏彈出宮商調正林  
際好月初來柱促分明絃多宛轉風露落閒堦遙看  
北斗挂城隈擊缶共徘徊曲成虛憶青蛾斂更調急玉  
指堪哀嬌入曼聲怨凝繁手傳得美人懷

鵲橋仙

佳人對鏡

挑腮勻粉柳眉增黛還恐宮妝草草龍盤金鏡玉臺前  
須拭却流塵一照空明似水團圓非月縱有姮娥難  
到如何對面見傾城便向我爭妍奪俏

行香子

佳人捧觴

高髻雲鬟一笑嫣然紫霞觴捧到人前香沾鑿落紅映  
朱顏看酒如液人似玉手如綿樂聖稱賢一吸千川  
道檀郎飲酒神仙對花相勸未醉先憐怕玉山倒金谷

散井中眠

玉連環

佳人刺繡

輕翻紅袖珠簾放銀鈎蕩漾綵絲移到繡床前還點檢  
新花樣 繡箇鴛鴦相向綢繆萬狀宵深回喚侍兒來  
重與剔銀燈亮

賀新郎

第一體

佳人彈琵琶

紅袖珍珠絡檀槽歸舟江樹碧天寥廓新曲翻從玉  
連瑣越顯風流綽約小池上蕤賓輕躍耳畔霓裳聲斷  
續恐江州司馬青衫薄那禁得泪珠落 鳳凰飛上鷗  
鷺索笑興奴空能攏撚曹綱運撥圓腹龍香四絃裏鐵  
騎刀鎗間作看春筍纖纖如削又風揭羅裙乍起倚歌  
促酒依紅幕似遠嫁歸沙漠

鳳樓春

佳人搖扇

金屋好丰標兩袖紅綃扇輕搖微風拂拂動眉梢蝴蝶  
幾對風騷最愛撲他愁不着向花下空招翠雲翹無  
限妖嬈迴鬟遮面秋波偷注知音自解相挑願向深閨  
並持紉素坐良宵仁風頻扇骨冷魂銷

月宮春

佳人吹笛

朱唇輕綻小櫻桃胡床夜夜嬌紫雲一曲透重霄鳳凰  
來幾遭裂石穿雲烟竹碎梅花揚柳未曾凋纔把昭

華放下餘香應未消

河滿子

佳人燒香

珠箔風多放下白檀灰裏燒香玉手纖纖親檢點鬱金  
迷迭都梁春滿床頭睡鴨濃薰被底鴛鴦馥郁真成  
膩骨氤氲豈但沾裳不向中庭頻伴月直教勾引蕭郎  
那識聞歌吐氣喉間蘭蕙芬芳

巫山一段雲



佳人笑

皓齒全看白朱唇一點輕逢人常自笑盈盈那得不關  
情秋水隨眸轉桃花滿頰生回鬟百媚怕傾城掩袖  
不聞聲

長相思

佳人泣

對花悲對花啼濕盡春衫花落時猜他心恨誰怕郎  
知怕郎疑強作歡顏起立遲橫流浸口脂

春光好

佳人折花

妝初罷鳥關關倚闌干怪殺無端蜂蝶扇驅還一架  
薔薇嬌艷金蓮移向花間折得小枝香在手揷雲鬟

滿庭芳

游女

髻挽巫雲裙拖湘水祁祁陌上如荼照天珠翠春色滿  
平蕪爭喜穿花過柳倚紈扇撲蝶相呼東臯望行人失

路耕者亦忘鋤 躊躇見多少採蘭贈芍搔首城隅漫  
花艷驚郎魂斷羅敷結束大堤去也待果滿猶未迴車  
撩人處欲尋高手仕女畫成圖

錦堂春

蓮女

生長若耶溪畔往來西子湖頭輕衫窄袖風波裏慣棹  
採蓮舟 妝束何勞珠翠逢人盡逞風流荷花深處深  
藏著妝作害羞羞

錦帳春

風情

碧漢無雲銀河無浪看耿耿素娥初降口脂香蟬影動  
任溫存半晌風流模樣月上紗窗香濃羅帳問此際  
莫非天上語喁喁人悄悄笑燈花無狀並頭相向

傳言玉女

夢合

紙帳梅花纔到黑甜深處蛾眉螭額便惹人情緒何須

搔首嬾嬾凌波微步妖嬈心性娉婷風度 十二峰頭  
願朝朝又暮暮為雲為雨向高唐久駐歡娛漏短莫遣  
雞聲驚寤相思有路恐難重去

江城子

第四體

畫眉

紅輪初上水晶屏鏡臺輕曉妝成調得南都石黛付卿  
卿掠月橫雲圖自有隨意畫遠山青 張郎凝望笑顏  
生語多情瘦稜稜試向菱花一照便分明半額不知如

意否休閣筆為君增

南歌子

第三體

鞦韆

畫架沾春雨  
綵繩動曉風  
佳人羣戲  
百花叢  
試看湘裙  
飄蕩半天中  
蟬鬢過眉  
翠羅衫映日紅  
纔離花板立  
從容一似姮娥輕  
落廣寒宮

減字木蘭花

贈妓

天然窈窕妝罷蛾眉唯淡掃都說如花月下燈前細看  
他不知愁苦學就吳歛腰善舞百轉春鶯敲碎紅牙  
聽一聲

風流子

第二體

妓歌

花前新酒綠誰相勸賴有莫愁聲正刻羽引商移宮流  
徵當筵一曲宛轉分明歌喉逞蕭蕭林木落黯黯碧雲  
凝衣著縷金扇低寶月韓娥未去梁上塵驚回風繞

唱罷看欄畔渾似秋後淒清誰念麗娟魂斷不比秦青  
想花朝月夕等閒度過陽阿白雪無限關情引得周郎  
一顧喚作春鶯

南鄉子

第四體

妓舞

長袖舞山香花帶春風上研光體又輕盈腰又軟顛狂  
惱亂蘇州刺史腸天地久低昂葉葉春衫起鳳凰轉  
面回身輕似燕飄颺掌上高擎也不妨



獻衷心

第一體

哭妾

記鴛鴦比翼江上同來春色好  
傍妝臺正蠻腰素口老  
眼頻開前宵裏紅可倚綠堪偎  
歡未足願偏乖玉人  
斷送入黃埃憶斷腸環珮獨立徘徊  
簾箔下鸚鵡喚便  
生哀

鳳凰臺上憶吹簫

弔青樓

歌扇飄殘舞衣零亂平康減却風流但蓮香蜂蝶旋繞  
朱樓一段鏡湖春色歸地下長恨悠悠空追念眉羞萱  
草裙妬紅榴 休休彩雲易散料只在巫山十二峰頭  
奈朝朝暮暮月暗花愁莫漫鑄金為壻問平日誰更綢  
繆泉臺去強如車馬冷落三秋

霜天曉角

游園

烟花露竹小小雲峰  
蟲好買謝公雙屐來往南塘曲

花茵紅幾簇新萸相映綠拚得玉山傾倒便穩卧羅浮  
麓

浣溪沙

折花

淺碧深紅照眼明  
画樓低處一枝橫  
輕輕莫動護花鈴  
笑撚芳華褰繡箔  
有人妝罷正相迎  
低聲微露索花情

送入我門來

惜花

林吐韻顏山開繡頰朱朱白白爭香紫萼黃鬚窈窕作  
新妝萬花千盞詩催發更幾日春情上海棠向攔檻徬  
佛朝霞暮綺點綴河陽翠帳羅幃空設難禁冷風細  
雨蜂蝶輕狂我欲移春仔細賞春光小蠻舞袖秋娘曲  
伴李白狂吟北海觴仗括香御史殷勤調護取醉南塘

渡江雲

落花

高枝方嬈娜淺深次第花魄醉春陰今朝登眺處何事  
千紅萬紫不堪尋桃蹊李徑春風過惡劣難禁任無情  
黃鶯杜宇對此也傷心浮沉燕巢泥上芳草溪邊却  
飄零無定思往時影翻簾箔香滿園林樹頭落盡成秋  
苑聞花嘆汨落花深衣袂上有時片片相侵

十五家詞卷二十

欽定四庫全書

十五家詞卷二十一

休寧孫默編

陸求可月湄詞四

慶春澤

早梅

瘦影橫斜暗香浮動嶺頭南北皚皚冷蕊踈枝不消春  
色同迴啾嘈翠羽參橫斗落依然月觀風臺怪揚州樹  
底何郎洛下徘徊 佳人世外爭先笑便凌寒耐凍早

早安排橘綠橙黃唯君不受塵埃海棠待聘非時節把  
冰姿獨立蒼苔怕師雄夢覺羅浮不信花開

山花子

第一體

梅花

驛使迢迢未得來隴頭春意已先迴誰引冰姿玉骨笑  
顏開 舍側單于休度曲樓中弄玉不須媒好共美人  
村店裏舉金杯

二郎神

第一體



紅梅

越王臺畔誰把胭脂輕灑怪真色生香乍染出猩紅樣  
淺深高下莫是杜鵑啼血處痛處士山妻羽化我只慮  
無端桃杏大膽來爭聲價笑話春工無賴瞞真妝假  
向暖日凌風開未了也不顧北人驚詫碎聚花茵浮大  
白儘教那顏如渥赭待高髻憑欄唱罷春風看他都雅

女冠子

第一體

白梅

天然色相不許秋蟾容易闌  
新妝映雪能分白尋花不  
辨霜銀瓶應細浸粉蝶莫  
深藏折向眉間貼映鴉黃

西溪子

第二體

月梅

畫閣酒闌棋罷行到梅花下來  
月輪高花影瘦香盈袖  
醉挽花枝頻嗅何處綠衣歌對姮娥

醉翁子

雪梅

巽二催滕六飛滿孤山麓梅樹不愁寒新花開遍山  
袁安睡未足披衣開石屋不放剡溪船羅浮去作緣

更漏子

水仙花

湘色裴縞衣裊雅稱水仙妝飾冰作骨玉為胎知應物  
外來 桃未開梅先落許爾芳姿綽約千葉種小蓮花  
宮梅定等差

掃地花

蘭

含英旖旎正晚徑羅生光風催發猗猗九畹任盈腰服  
艾芳馨難滅照耀春陽不用傷心秋月身思潔正是靈  
均紉佩時節 當門容易折更溱洧相將贈持心悅凝  
膏煮液近朱顏綠鬢強如蕪沒見說佳人玉齒常含雞  
舌朱唇揭比花香總無差別

雨中花

第一體

梨

風雨清明未到早見梨花開了斗酒初攜漫聽鶯語先  
洗梨花貌試把花枝斜挿好一任東風吹帽縱月黑  
天昏纍纍滿樹堪作珠光照

鬪百花

杏

乍雨乍晴天曉輕土白沙耕早午橋春色無邊碎錦滿  
枝光耀獨占芳辰點點露濕花鬚樹樹影篩清沼更有  
游絲裊高興爭春一隊紅妝來了幕天席地莫教嘆

聲驚擾不怕杯空酒家只在村中何用牧童相報

一枝花

桃

月榭風吹瘦露井烟籠秀不須人面映紅光透喜季女  
宜家花下香車驟燕子來時候問前度詩人又到玄都  
觀否 和白雪妍華依舊奈我成衰醜折一枝簪在佳  
人首看灼灼風流嬌態應難有莫遣漁郎走鷄犬聲中  
恐認作秦人洞口

蝶戀花

牡丹

洛陽國色朝酣酒一捻香痕歲歲還依舊桃李由他紅  
紫鬪花王恰在春風後沉香亭畔飄長袖醉寫金箋  
拂檻天香透願捧玻璃稱萬壽繡巾徐斂笙歌晝

出亭柳

芍藥

滿院晴風宿露洗芳叢燈爍爍綠盤龍結綺樓前開了

此恩不屬黃鐘背日當堦無數費盡天工  
年來金帶  
渾無種萬花會上漫相逢簪雙髻映簾櫳自可調和金  
鼎何緣持贈西東全仗王筠作賦重吐輕紅

偷聲木蘭花

西拂海棠

東風嫋嫋何曾睡宿雨初開凝着淚天氣清明染盡胭脂  
畫不成  
神仙一笑凡花俗蝴蝶雙雙香裏宿不比  
垂絲蠟蒂長拖學柳枝



御帶花

茶蘼

朱朱粉粉春光好不覺隨春開盡牡丹執友向翠屏深  
處好風傳信粉面三千齊笑日霓裳成陣鉤欄畔垂垂  
如雪浥露尤清潤最是凌晨一朵朵徹骨濃香綽約  
姿韻玉醅晚浸更夢寐宜人風流衾枕艷女妖童爭折  
戴水沉滿鬢瓊林殿萬龍挂雨天棘絲絲嫩

江城子

第三體

月季花

裊裊疎林映日披，低邊綠刺滿欲牽衣。  
先後花隨月令好，風吹不似薔薇幽。素泣春接夏，  
抹胭脂。

鼓笛慢

新柳

東風纔轉千門曉，堤上柳鵝黃矣。把去年一樹絲絲放，  
碧玉妝成，新意未便濃陰滿。却先已風流搖曳，更臨池  
裊裊春光漏泄。休攀折，堪留戀。燕燕鶯鶯未到，問章

臺那人何似水邊朱戶畫橋隔斷樓上凝妝翠夫壻邊  
城久望陌頭欲垂雙泪待些時折取長條一枝寄征人  
萬里

迎春樂

垂絲柳

春工二月如并剪細剪出絲絲軟淡烟濃雨黃金淺看  
嫋娜隨風轉見繫馬人兒過眼知誰是情長情短却  
似相思頭緒欲斷應難斷

水龍吟

第一體

楊花和章質夫韻

東風輕薄楊花枝頭日日催教墜穿簾透幕飄飄無定  
風流情思紅紫同飛芳非併盡南園深閉想山巔水曲  
三眠弱質憔悴不堪扶起學士當年可愛到今來盈  
頭雪綴沾泥落地燕兒銜去鶯兒啄碎少婦愁窺兒童  
輕捉都隨流水正君平欲問青青舊樣滿巾紅泪

千秋歲

第二體

荷花

紅妝仙子花貌何須洗風流常占風波裏分香原不惜  
解語應如此更無數青衣翠袖環相倚 縹緲雲成綺  
玉樹歌聲美搖白羽臨秋水能容佛子咒不禁鴛鴦戲  
凝望處若耶溪女船來矣

側犯

採蓮

輕衫穿袖女兒小小溪頭立羞澁怕隔岸兒郎認顏色

柔荑執畫梁，繡帶凌波濕。齊集同棹入花間，笑爭匿。  
停船花下渺，渺波光碧。誰念水底新妝脉脉，自相識。徐  
理紅裙看花如泣，迴船且去，滿溪落日。

河傳

第二體

桂

銀闕碎揉黃，雪點綴秋光。中宵如雨落蘭堂，天香滿衣。  
裳。玉階綽約天風捲，路非遠，欲上清虛殿。餘花叢發，  
小山幽淹，留吳剛已白頭。

清商怨

芙蓉

水蓮開罷空江靜又木蓮弄影寒雁初過胭脂霜下冷  
誰使移栽菊徑把艷色逢迎陶令伴醉多情西風吹  
未醒

解蹀躞

綠陰

一片花飛春去盡亂紅如掃陰成罨畫天涯綠未了多

少桃李蹊邊渾如深翠簾幕高張清曉  
黃鶯巧不住  
如梭穿繞關關聲自好輕風吹透羲輪那得到散髮席  
地貪眠靜看結子枝頭青猶小

解連環

紅葉

清霜初落把江楓催變紅生寥廓從石徑遠上寒山似  
映日天桃翻堦芍藥青女何心萬千樹一時染却倘隋  
宮有此也好省伊剪綵生活  
停車坐看綽約便三月



韶景不差毫末盡日漁火相親煞無賴隨風吹簾透幕  
飛入深宮將兩地相思投合但愁他無情流水東西交  
錯

瑞鷓鴣 第三體

芭蕉

幾日紗窗新綠滿芭蕉纔發深叢層層輕放搖動春風  
未有凌雲高幹密葉布晴空根結處綠天方曉字走蛇  
龍  
低傍五株松看蝙蝠成雙夢穩香濃紅袖立一似

翠扇重重只恐秋飈夜雨滴碎五更鐘  
溱洧地樵人無賴奔鹿難逢

贊成功

雞冠

金風未老秋雨初寒秋花開得似雞冠  
籠烟聳聳泣露團團杜鵑啼血秋後成丹  
海棠堦畔黃菊籬邊胭脂莫道入時難  
山堂曉起脉脉相看頻搖絳幘如報霜天  
甘州遍

鳳仙

朱明節紅紫滿花臺憶初栽根如綠玉葉如翠羽一叢  
高下立蒼苔風乍過雨方催遮遮掩掩欄畔先後幾  
番開癡兒女紅甲映香腮拾花來金盆夜搗涼露落間  
堦

木蘭花令

剪秋羅

綠葉叢叢春意淺也算芳菲開一遍花如散擲紫金錢

易入時人輕薄眼  
妖紅小小疑桃臉  
雨點風搖最嬌  
艷憑君喚作剪秋羅  
試問秋羅誰為剪

漁父

石榴

照眼分明五月天  
紅芳初日淡籠烟  
依翠鈿近朱顏不  
怕燒殘少女鬟

如夢令

藍菊

不向籬邊爭秀開在黃花前後  
朵朵綠如藍試問陶公  
愛否清瘦清瘦何用秋風吹透

望遠行

第三體

葵

深紅淺紫西園路綠葉扶蘇清曉水邊林下午醉晨妝  
粲粲不知多少數百成叢斜傍石榴花下開時也隨人  
好儘薰風吹得容光炫耀傾倒任是東西歌側只解  
對太陽留照蒂淺莫簪色堪奪目誰共牡丹相較須信

昆明銅雀羅生疏植木槿如何同調甚眼前無奈輕談  
微詣

河傳

第六體

秋海棠

霞燦庭角錦生牆下的的高秋風前雨後入眼總覺輕  
柔最風流 枝頭碎點珊瑚樣霜天長綠葉蠟蛸網垂  
垂着地宛然一段瓊瑜亂紅鋪

應天長

第四體

菊

秋天凋萬卉但老圃寒花亭亭霜裏三徑初開綠杞青  
松相倚崇蘭同吐秀問誰肯忘憂遺世衰柳畔采采芳  
華柴桑新里重陽風日美正載酒高吟晚霞成綺遙  
對南山金盞斑斕鋪地煌煌清露滿摘在手浸來杯底  
扶杖去明日籬邊落英滋味

傳言玉女

葡萄

嫩葉成陰接夏連春滿架秋風初動見纍纍高下空城  
野雀幾度窺時驚詫明珠蒼壁枝頭輕灑橘柚難同  
有荔枝可爭價小槽釀就好坐消良夜涼州一郡那抵  
醉鄉清雅孟佗何事不歸來也

法曲獻仙音

苔

小徑偷閒北窗高枕滿眼許多生意密雨初晴一庭新  
綠漸覺上堦緣砌謝門外塵勞客雙屐休泥滓窗前



地把鴛鴦時時妝點渾儼是深翠穠瑤景致高興倒芳樽便玉山移對花陰灑掃何須比花茵一般風味更羅襪如鉤過處撩人情思

河傳

第十一體

游絲

春日清美望晴空千丈高高趁風林花飄起滿天紅相逢相牽過苑東當路有時飛不得縈醉客脉脉留春色向深閨閨婦悲郎歸繫他雙馬蹄

春從天上來

草

春滿山家看不盡  
穠桃艷李芳華一庭幽草也自萌芽  
萋萋直接天涯看蓬蒿徑底有薺菜  
莫便嗟呀助詩腸  
任天邊秀色深隱鳴蛙  
金勒馬嘶過處甚無賴東風  
吹得歌斜送却王孫迎來彼美班荆  
且進流霞但淒涼  
南浦筭風景金谷人遐對歸鴉露  
零烟繞輕着飛花

風入松

第二體

茶

雙鬟小小上蘭堂  
檢點紫茸香  
玉纖把玩團圞餅  
雙飛鳳燦燦生光  
庭際風吹  
紉扇爐邊紅袖飄揚  
松風蟹眼試新湯  
一縷篆烟長  
惠山泉水翻雲浪  
擎甌至強起  
方床酒病幾分消  
却花陰閒送斜陽

應天長

第五體

鳳

翠梧映日  
菰竹干霄  
正是朝陽佳處  
渺渺高天際  
隔丹

山無多路春風落秋風去問彩翼幾時枉顧長江水不  
斷東流荒臺如故自古嘆希遇阿閣岐山空向畫圖  
覩竹實無憑便欲來儀何地住笑鷗雁驚鷺鷥潁川治  
郡休傳誤更堪凝煮啄成膠氷絃牢固

玉漏遲

鶴

閒庭花影動翩然適見仙人騏驎悵望孤雲刷羽花間  
何事須識冲霄神物嘆鍛翼供人游戲深院閉不如鶯

燕去來如意 可憐物性難違須命彼倌人養他雙翅  
頂上丹砂想也幾經甲子待爾凌雲翮就好放去碧天  
萬里緱嶺底王喬捧笙來矣

喜遷鶯

第二體

錦鷄

籠寬織許雙棲毛羽一般奇尋常飲啄未曾識不肯一  
聲啼 五色鮮雲錦似炫爛勞人凝睇問君何事向溪  
前目眩甘投水

雙雙燕

燕

社翁雨過正綠水人家珠簾高捲一雙上下隔歲重來  
相見畫棟朱拱游遍乍欲去幾番繾綣呢喃細語無多  
似說舊巢堪戀小苑春光初暖便過柳穿桃翅輕風  
軟差池久出銜得香泥纔轉又見微沾花片試問爾于  
飛近遠玉京相待樓頭莫忘故人情款

玉蝴蝶

第三體

蝶

是處芳菲明媚爭春無數柳絮花心不覺莊生魂夢栩栩難禁天桃下紅英灼灼文杏底紫萼深深漫追尋東風惡劣吹過西林登臨名園芳徑穿花覓艷忙到如今驂女癡兒蜀紈裁扇出庭陰日初高翅塗秦粉影欲落鬢染黃金為宣淫開元魚貫桃李齊簪

怨王孫

杜鵑

春光欲別芳菲吹折古帝魂消寸腸成結何事啼入深  
叢恨東風天涯潦倒人千里深閨裏聽爾愁心起凝  
眸倚遍欄檻不見催歸鏡塵飛

金菊對芙蓉

雁

潦水澄鮮暮山紫翠弋人遙指冥冥正蘆花如雪秋老  
邊城舉頭明滅遙天字寒江上漁艇堪驚去年行處稻  
梁無恙休更傷情中夜肅肅于征任殘荷亂蓼隨處



居停向雲中顧影月下遺聲瀟湘一到無留意空兩岸  
水碧沙明避霜入塞先花別楚南北淒清

河傳

第七體

蛙

春生池草暮天鼓吹幾時纔了雨餘响徹綠荷洲井底  
子陽終淖淖畫堂高會空絲竹聲陸續也似無腔曲  
驚乘輿為官乎玄魚官家不識渠

瑣憲寒

蟋蟀

衰柳驚風殘荷滴雨傷心時候啾啾四壁何物添人倦  
懋繞荒堦直至中宵霜天分外秋聲透問西鄰寒女蕭  
條機杼可曾聞否 奔走依人處向床下相親草根漫  
守撩愁惹恨幾日鏡中清瘦甚嬌娥閉入金籠枕邊唧  
唧陪寒漏細聽他感激哀音綠鬢寧依舊

中興樂 第二體

螢

荷香暗動水晶簾輕雲半罩銀蟾丹鳥飛飛亂落雕簷  
高低隨意如愁點青衫暖生湘簟佳人夢醒起撲花

間

兩同心

魚

日照漣漪風吹蘋藻隨流去頰尾游遨衝岸過紫鱗照  
耀問波臣來往江湖其樂多少偏有莊生怪誕驅車  
中道汲升斗不料艱難對酒轍真堪絕倒願仙翁吹氣

欽定四庫全書

十五  
卷二十一

槃中便成靈沼

四園竹

黃鸝

柳陰深處背手立多時  
萬條垂綠日色輕穿照出金衣  
春未闌嬌欲醉翩然熠燿撩人又上高枝  
愛芳菲輕風吹過梨園暖烟引到桃谿  
洛下千門萬戶眈眈春聲  
聽不疑酒初醒雙柑未破羲輪已向西

酒泉子

第十體

畫眉

高挂筠籠過盡晚風朝日鉤  
輶格磔有時聞响穿雲  
生前莫是畫眉身費盡張家  
綵筆翻教羽毛不如人混  
風塵

滴滴金

鷓鴣

簷前瓦雀無殊相關霜天氣  
偏壯東西轉戰矍鑠上圍  
住多人望提攜在手難輕放  
錦為囊爭新樣飲啄何

曾愁絕餉懷袖藏飛將

夜遊宮

新月

人世蛾眉新樣原來是先成天上薄暮樓頭翹首望曲  
如鉤借殘陽時一亮月殿差我壯問此際那邊安放  
桂樹高高豈得長倘有人驚星橋如何上

憶漢月

月滿

夜被姮娥相惱今夜方纔圓了清光大地不能遮多向  
花間樹杪停杯喧笑處便對影豈知衰老新磨明鏡  
在當中權且將來一照

酒泉子

第九體

曉月

遠近鷄聲逼盡五壺清漏紗幮未發送光來月兒歪  
羲和曙色便將開忙殺望舒收駕去散水輪歛清魄莫  
徘徊

憶舊游

對月

向花前布席柳下開筵搔首長空雲漢無留翳見鷺禽  
時過遠樹搖風渾如水浸樓閣大地廣寒宮正滿眼清  
涼一身光彩斜倚孤松老子真高興問耳畔誰傳幾  
處絲桐何似臨牛渚共估船清話申旦從容良宵止恐  
負却深意付盃中怕明日雲遮攜尊對影與誰同

杏園芳



露

百花時節芳菲侵晨壓倒花枝偶然行過小桃西濕人  
衣 太真肺熱朝朝起朱唇吸處霏微金人縹緲捧盤  
時與雲齊

生查子

第二體

雷

把扇過回塘散髮臨清渚白晝阿香奔催起山頭雨  
膽初消聲更舉欲失樽前箸蔡順繞千村淚滴黃泉苦

遠佛閣

霜

花凋林老漸漸秋深天氣清皎玉露凝了蒹葭映水蒼  
蒼趁風倒摧殘野草白雁天上傳信先到凜凜侵早鴛  
鴦瓦冷霜華射林杪時候最淒絕獨擁綈袍寒更悄  
一望東郊西園都似掃但金菊芙蓉雙鬪清曉鷓鴣弄  
巧把木葉藏身飛出雲表願羲和快些來照

臨江仙

第一體

雪

飄飄蕩蕩隨風去許多柳絮樓前羊羔未買酒誰煎青  
山何事便皤然 花園盡日唯高卧况兼積素無邊一  
杯苦茗結清緣旗亭空索十千錢

謝池春

第一體

山中雪

萬壑千岩冬日瀟瀟清雅是誰將玉塵輕灑捲簾遙望  
疑白雲歸也何從辨峰巒高下 寒鴉古木此際真堪

圖畫邱中人定然閒暇鳴琴對酒謝塵寰車駕賦招隱  
蓬門關罷

賀聖朝

第二體

池邊雪

浙浙寒風吹水面誰料玉龍方戰多少敗鱗殘甲天上  
收藏不盡飄落雙堤無限漁人指裂收綸轉向堤畔  
維舟鬚髮明如練羨神仙經現鶴氅前來捨棹相見

尉遲杯

雪霽

天花落便幾日靄靄雲垂閣凍折一樹梅花剗曲高人  
寂寞煖香燒盡但頻弄鷓鴣鸚鵡杓到今朝重見羲和  
纔將寒氣收却 着屐試出門庭還只見瑤華滿眼堆  
着巷口家家爭掃路被短褐風吹赤脚好尋箇田翁問  
訊道來歲豐年處處樂更無端好事兒郎塑獅子儼如  
活

望梅花

第二體

冰

朔風吹作十分寒見萬里黃河生骨徹底琉璃照遠天  
巧匠琢為山但看峰巒也一般對日便消完

帝臺春

自述

人潦倒鬢華催對秋昊春樹暮雲隔斷淮南許多朋好  
點點黃沙爭撲面那堪侍板輿親老綴朝班無補承明  
早嗟枯槁山渺渺風浩浩身似鳥長安道空回首鄉

山接天連地但見王孫芳草幾度夢尋南下路雁行何處心如搗又塵冗匆匆問高天清曉

虞美人影

警悟

呼牛呼馬都皆是一任世人名字不合時宜湏記壘塊終何濟脂韋面目今如此難出如今天地場上偶然作戲不用相迴避

望江南

警世

塵世事都似夢相縈處已只宜隨日月逢人何用費聰明  
利刃斷癡情 春酒熟何事不高歌塵網一投安樂少  
醉鄉深入快心多碌碌欲如何

絳都春

閒居

園扉關好正嫩柳高槐春光先到今是昔非左右琴書  
正當清曉晚菰早韭都生了問園丁梅花多少風吹池



面日上牆角一羣啼鳥 幽悄車迴俗士但清聲一聲  
陪人長嘯應節天桃碎影無心落方沼看他燕子初來  
小漸對對銜泥林表窻前日日高眠無人驚擾

瑞鶴仙

讀書

輕風吹小苑正玉軸牙籤百城南面試展青緇卷笑魯  
魚亥豕千秋塵滿古人活現却未許粗人夢見仗何人  
炯炯雙眸斬盡葛藤一片 留戀子虛烏有怪誕齊諧

何須高捲不求甚解持此法思過半十三經廿一史從  
吾好值得心煩意亂休深藏塵土堆中蠹魚游遍

蒲宮花

第二體

叅禪

天上雲瓶裏水此謎如何猜起比邱誤殺幾多人落得  
一身泥滓若個能叅無隱義雨後木樨香氣蒲團坐  
破總成空離却蒲團纔是

天香

第一體

自壽

蒲葉迎風榴花照眼天中節明朝是五十年前劬勞今日曾自輕啼聲試于今何大痛回首靈椿早逝樹背萱花嘆履冰半生勞瘁製得綵衣新翠徹壽觴且承菽水諄諄語兒輩婉辭車騎待得中秋以後下弦月清光照叢桂母氏千秋總拚一醉

千秋歲

第二體

慶壽

梅花如雪又報千秋節嘉平放出通宵月仙人乘羽蓋  
青鳥銜金屑稱觴會豹胎麟脯爭羅列廣樂當庭設  
玉椀葡萄潔稱萬壽蓬萊闕綠鬢方瞳子袖有丹砂訣  
從此去蟠桃慢慢枝頭結

十二時

山居

惹征塵幾年面目只怕山靈憎我賦歸去尋山清坐孤  
鶴野猿相和磬石平安山堂無恙任晝吟宵卧把舊日

八尺烏皮移向籬前延接高人幾箇  
回首看長安道上名利何人丟過用盡巧機波瀾反覆直是虧他作恁  
蠅頭蝸角還須明眼覷破 算不如一邱一壑且消却  
閒功課石上流泉松間明月清福天來大咏考槃在陸  
不受世人顛簸

棘影

村居

秧鍼初綠遶蓬門遠近高低如簇日上山頭風到溪邊

田父荷鋤行速兒童催却牛羊去向高隴笛吹村曲任  
野人無事徘徊南畝堪娛幽獨 城市紅塵隔遠茅簷  
斟濁酒勝如醺醖但有榆連柳蠹也何用得喬松修竹  
逢迎野老威儀肅周旋久愛他樸遯況秋來高廩千家  
真是太平風俗

雪梅香

水閣

迎眸處一溪流水碧無塵把三間茅屋臨溪結構方新

早起推窗看浴鳥晚來倚檻捲絲綸  
偏空濶洗盡凡心  
樂我天真  
眼邊無俗物  
但有漁舟來往青蘋獨坐開  
襟悠悠短笛遙聞一帶好山銜  
早月千村遠樹送斜曛  
賈芸老風流渺渺付與閒雲

漁歌子

漁

釣竿輕簑草綠夜深星斗隨船宿  
獨撚鬚雙赤足醉後  
幾聲新曲  
婦飛蓬兒曲局  
一生占得江湖福  
晚風高

春浪促歌枕船舷睡熟

桂枝香

第一體

樵

秋飈短褐漸遠近千岩寒催落葉滿眼烟凝暮紫斧斤  
時節丁丁谿徑雲重疊早看星晚肩明月青泥充腹石  
泉消渴山風吹髮四時景自然羅列桃開霞艷楓丹  
霜烈逢着仙人對局偶然爭劫薪蒸暫傍松間歇把斧  
柯回頭頻閱莫教爛却都迷塵世求歸不迭



塞垣春

邊思

霜肅秋天迥看紫塞西風勁關門榆老城頭柳斷孤鴻  
留影漸滿川組練申軍令清苦月胡笳稱馬蕭蕭鳴未  
了蓮花幕底難聽回首望江南全然是暮雲遮定時  
向鏡中看都無青鬢賸窮塞主枕頭欹著沉吟數戌拆  
寒更永試語悲秋客征夫愁更盛

大聖樂

凱歌

白羽揚旛蓮花作幕凜然先聲領七萃星列雲屯點點  
輕沙堆面令下風清螳臂當車難恃勇看談笑烽烟指  
顧寧綸巾映日輕裘行陣不信書生 軍中倚馬草檄  
便露布先成奏上京好收戈韜矢歸牛放馬齊賀昇平  
執醜都門獻俘天闕玉陛千官頌洗兵黃河帶更泰山  
如礪永世簪纓

十五家詞卷二十一